

BON DIA 

Editor
Caribbean Speed
Printers N.V.
Aruba Bank N.V.
Acc.No 332668

DIRECTOR

John Chemaly
John Chemaly Jr.

GERENTE GENERAL

Grace Mary Maduro

CORDINADOR

Benjamin Romero

REDACCION

Tito Lacle
Delma Arends
Margarita Els
Oscar Vidal
Maritza Faro
Melvin Garcia
Keven van Ommeren
E-mail: noticia@bondia.com

PROJECT EXECUTIVE

Elisabeth Guanipa
Genevieve Garcia

REDACTOR DEPORTIVO

Harold Faro
Richard Brooks
Andres Krozendijk
Email: deporte@bondia.com

COLABORADOR

Micheal Arends
Dr. Carlos Viana
Ronzzio de Cuba
Seeveer Krozendijk

INTERNATIONAL

Mariano Heyden
Margarita Els
(Antiyas) (Bonaire)

FOTOGRAFO

Debby Kelly
Dino Tromp
Jason Inesia

REPORTERO

Ludwig Hermans

LAYOUT

Glady's Palomino
Dina Maria

SALES

Elly Erasmus
Marijke Croes Luidens
Wendy Kelboom

AVISO Y ARTE

Sandra Loefstop
(Hefe Reservacion)
Lando Rafael

ADMINISTRACION Y DISTRIBUCION

Eduard Martijn
(Hefe)
Jenny Lobbrecht
Martha Ariza
Natasha Ramos

COLLECTOR

Marieta Tromp

PRE PRESS

Luis Fernando Arenas
(Hefe)
Pablo Libre

PRESS

Ronald Schenker
(Hefe)
Omar Ramirez
Martin Boekhoudt

RECEPCIONISTA

Mariela Carrera

AGENDA DI NOTICIA

Associated Press
Editor's Press
United Media
Reuters

AFILIACION

Sociedad Interamericana
di Prensa (SIP)

DIRECCION

Weststraat 22
Tel: 582-7800 / Fax: 582-7044
Email: noticia@bondia.com

BON DIA ARUBA

Ta un corant redacta y imprimi na Aruba
y ta obtenibel di Dialuna te cu Diasabra
Ningun contenido por wordo reproduci
sin permiso di Editor.
www.bondia.com

Parlamentario Arthur Dowers

AVP ta condena reunion cu representantenan di MTBS y Minister Briesen den camber sera di comision fiho

Actor principal di e presentacion ta Abogado Hendrik Croes den e proceso aki tambe



Riba e potret aki nos por mira e miembronan di fraccion di AVP, durante un conferencia di prensa cu a tuma lugar ayera mainta na cas di partido (d.r.p.d.) sr. Benny Sevinger, sr. Otmar Oduber, sr. Arthur Dowers y sr. Andy Lee.

ORANJESTAD – Henter Parlamento a haya sorpresa na momento cu Fraccion di MEP bou di guia di sr. Marlon Werleman a forsa Presidente di Parlamento pa tene un reunion cu a wordo pidi pa un Minister pa duna informacion na henter Parlamento den e sala di comision fiho di Parlamento di Aruba, caminda cu e ta stroba no solamente miembronan di Parlamento den nan totalidad pa ta presente den un forma comodo participa na un discusion. E ta stroba prensa y comunidad di haya informacion contundente y directo pa loke ta e mudamento di proyecto di waf. AVP ta condena esaki, paso den e comision fiho bo ta reuni y ta trata cosnan cu tin un caracter mas sera y ta asina cu ora bo tene un reunion di e comision permanente y si bo no haci un aprobacion of palabracion adelanta cu lo saca informacion, bo no ta saca informacion cu ta wordo trata den un comision permanente. Esaki ta limita prensa pa haya informacion y ta limita pa hiba discusion habri, caminda tur miembro di Parlamento por participa. Na e momentonan aki ta solamente e miembronan di e comision di turismo y transporte a discuti den e proceso aki por ta presente y por hiba parti di dialogo den

e asunto aki.

AVP ta lamenta e asunto aki mas ainda si tene cuenta e rason primordial pakico partido MEP kier sconde of kier tene e reunion aki den u camber scondi, ta pasobra miembronan di partido MEP no tin ningun informacion riba e proyecto aki y no sa kico ta bay tuma luga na momento cu e gobierno aki dicidi di muda e waf pariba. Sr. Dowers ta kere cu si bo mira e tipo di preguntanan cu sr. Werleman a publica, caminda cu e ta publica informacionnan, e ta trece duda serca AVP. Sr. Dowers a bisa cu con un miembro di Parlamento ta tuma nan mes na serio, por ta bisa cu nan ta di acuerdo cu un proyecto y hasta fasenan di implementacion di e proyecto aki a tuma luga paso un di e pasonan ta e carta cu gobierno a manda pa ASTEC pa kibra e contrato y despues retira e trahadonan y si esaki a tuma luga, esey kiermen cu ya caba e proceso di implementacion ta canando. E ora bo ta puntra bo mes, con ta posibel cu ayera, despues cu bo a cuminsa implementa e proceso ey caba y despues di a haya sosten di 1 parlamentario, apenas ayera a bay den un reunion den camber sera, pa busca informacion riba e

proyecto aki y eyan sr. Dowers kier sa ki seriedad tin den e miembronan di MEP, y mas ainda ki seriedad tin serca e miembro di MEP cu ta publica informacionnan cu ta muestra cu e mes no sa kico e ta papia. Pa cuminsa cu ta bon pa muestra cu sr. Werleman ta papia di un raport, caminda cu awor aki nan ta haya claridad si ta factibel pa hiba e proyecto di container pariba y entrega e container existente na un grupo desaroyador di Spaña. Si ta apenas ayera miembronan di fraccion di MEP a haya informacion di e Minister riba e factibilidad, con fraccion di MEP por bay di acuerdo cu gobierno pa kibra e contrat cu ASTEC y cu cantidad di hende ta perde trabou.

E splicacion di MEP ta cu den e waf di container nobo mester bin un otro operador y bou di otro condicionnan y gobierno ta facilitando ASTEC actualmente cu varios material pa nan por haci nan trabou y gobierno mes no ta ganando placa cu esaki. Awor si ta bay kibra e contrat cu ASTEC, dicon si e compania aki ta genera placa pa su servicjonan, gobierno mes no ta tuma e servicjonan aki por medio di APA, pa e haci e trabounan aki.